

石埭備志彙編

辛巳八月

周學熙



74125

230.141

42

21-3

11-3

石埭備志彙編目錄

序章授 顧祖彭 張心湛 金梁

叙例 陳惟壬

卷一

大事記稿 倪文碩 蘇貽綸編輯

卷二

山川志初稿 陳碩梁 倪文碩編輯

卷三
下上

人物志初稿 張楚輯錄

人物志初稿 補陳惟壬輯錄

石埭備志彙編

目錄

卷四
下上

金石志稿 蘇貽綸訪錄

金石志稿 補陳惟壬輯錄

卷五
上

藝文志 上 蘇貽綸編錄

卷五
中

藝文志 下 金梁輯錄

卷五
下

藝文志 下 補陳惟壬輯錄

序

余自二十歲出交海內士大夫七十寓居天津今十有二年交陳一甫觀察惟正石埭人亦寓公今年七十有二矣石埭皖南萬山中歷世閉出特異之士交久方知一甫之異於人者自少至老能一致其所經世變與人同所交王公貴族以及富貴貧賤之士與人同而立身特與人異因嘗讀其石埭備志彙編不可不詳言其人之大略其一曰儉凡奢靡繁費向所不爲人事迭更而一甫獨行吾素一曰孝其先大夫逝世久矣而孺慕不衰特爲百歲紀念之舉徵取時賢文字輯成巨集視其先人猶生存於世也唯因儉而後有餘資乃爲施濟之事凡遇災荒及造永濟大橋以拯人生命恒不惜捐金巨萬皆人所周知者人所不知之善事余亦不得而知也性喜遊以士大夫之身布衣草履國內名勝登涉幾遍又及日本未已也將屆七十之年猶爲歐美之遊歸著紀遊巨編印以餉世俾人人知外國之禮俗夫務馳

石埭備志彙編

序

域外之觀者恒遺落其鄉里之僻隘而一甫獨篤於桑梓之誼石埭文獻夙所注念因而從事博採無閒離亂稍有疑難輒咨訪通人務求徵實余見其十年之閒俛焉孳孳爲備志之稿數經易寫不以爲苦此何所爲而爲者蓋由其孝之一念推而行之也夫吾孔子嘗稱禹吾無閒然非衣惡食而致孝乎鬼神儉也孝也禹學也一甫其禹之徒歟一甫生當末造無尺寸之柄僅善其身與家以及其鄉縣人未知其本儉與孝二者而出故序備志彙編詳言之方今世變之大視前後五季而加劇人人反儉與孝之風更烈一甫一手所不能障亦藏其書以待其人而已耳辛巳重九節八十一叟章授

方志之書史家具體所難得者資料及好古敏求之人任其事爾吾鄉同治季年邑人汪悔翁纂上江兩縣志其時大難初平文獻尙易求索已致歎於採訪之艱蓋官書有程分纂者之見聞有限則以免事無人籌備也余少時與同學諸君屢擬分門廣續爲之因循未果其

後遊宦客授坐荒歲月上年閒關旋里亦願有紀述以恭桑梓特喪亂之後故老凋零紀載不備會垣方聞之士逝者九原存者千里深以無從藉手爲憾茲一甫觀訖出所纂石埭備志彙編見示而問序於余余受而讀之既欽其善繼父兄之志又好古敏求獨爲其難史公所謂慕義無窮者君其人也金君息侯當代立言君子嘉君孝義爲作生傳並於備志藝文各門多所是正書凡十二萬餘言始於民國戊寅成於辛巳中間事變相尋石埭令長數易紳耆散之四方幾致中輟君鏤而不舍用志不紛物力之賁貨諸監河誤書之思繼之日復同輩慶幸觀書之成而不知君力之瘁也後世執筆以志石埭者可無吾邑悔翁之歎矣因憶章實齋文史通義有州縣設立志科之議後人遵其言而不能行吾以爲用章氏之法而又得如一甫者任其事由邑而郡而徧於行省史學必日進於昌明余雖篤老猶將拭目俟之辛巳七月上元顧祖彭

石埭備志彙編

序

昔孔子言夏殷禮而以文獻不足慨然於杞宋之不足徵歸震川氏曰文獻之於世其可少乎哉是故大而省郡小而州邑莫不有志乘焉信於今而傳於後若夫徵文考獻筆之於書以待修志者之採錄則士大夫之責也吾皖自清咸同兵燹後典籍蕩然名都大邑率多病記載之殘缺近二三十年來干戈相尋未遑制作修志之議閱焉益無所聞此邦人士所竊竊引爲深憂者石埭陳丈一甫思散佚之日久而百千後世茫無稽攷也凡關於其邑之掌故網羅蒐集鉅細靡遺積年累月成爲是編石埭山水人物之盛多可紀述如龍巖如鳳嶺如唐之杜荀鶴明之湯文瓊皆犖犖者自茲以往雖不必涉其境而地之靈人之傑舉恍然呈諸心目間詩云維桑與梓必恭敬止一丈蓋有之矣抑吾鄉賢士大夫倘聞風興起各就其邑之山川草木衣冠文物一一褒而錄之他日彙爲省志謂非蔚然一巨觀耶然則是編之成匪獨有功石埭且裨於全皖者實厚焉先民有言君子不忘乎鄉而後能及於天下一

丈愛鄉如此推其所至則天下之被其澤也又當何如哉辛巳九月合肥龔心湛

修史修志以搜集故事爲難搜集果全筆則筆削則削計日可成余昔修清史及奉天黑龍江二省志皆先集故事總彙而分纂之先後告成皆本斯意不敢忽也吾友石埭陳君一甫

惟壬

留意方志既復刊康熙年舊志更議重修先搜集故事得大事表山川志金石藝文目

錄亦各付印並訪錄史傳輯補人物志又以搜錄詩文屬爲銓次余又見其先公百年紀念冊併爲選錄數十篇以備補入藝文之用

原冊微題五六百
家閱將別印單行

此皆志事之難得者也遂力勸彙

刊爲續修縣志張本他日志成當再執筆重書其後庶不負一甫究心文獻之苦衷也戊寅

秋金梁

石埭備志彙編

序

三

敘例

邑之有志猶國之有史也昔人謂有良方志然後有良史知言哉余於民國六年提議修本縣縣志酌擬綱目表例及測繪簡章商諸縣長暨鄉里耆舊先從採訪測量入手時事紛擾屬稿未完深引爲憾旋與邑人張君厲鋒翻印舊志增刊續志及採訪錄近年由倪文頌蘇逸農陳棟存三君編訂山川志初稿志稿大事表及金石志稿目錄藝文目錄提要零編短翰用備香輯但徵文攷獻不厭求詳人物一門關係尤重凡前民之盛業豐功懿行貞操或公牘之表彰或私家之記載亟待詳其始末以詔後賢因就安徽通志稿列傳皖學編晦堂叢書蒙齋文存北江文集與其他已印行之著述文字其人其事可法可傳者加以甄錄民國二十二年癸酉閏五月先大夫序賓府君即世百年之期四方親知咸以詩文爲導揚語多紀實金君息侯見之謂應附後刊布以供資料爲之選錄四十餘篇高誼遠識有足多者

石埭備志彙編

敘例

一

其餘諸作擬另行彙刊俾光家乘傳君沅叔贈序謂收羅撰著則傳布宜刻叢書撮拾散亡則儒藏亟賴恢建所以勗勉者尤應奉爲圭臬沅叔又謂正學宜崇以起其衰醫院宜拓以救其疾亦多籌備試辦爲人羣謀福利焉方今海域風塵顛齡遠客眷懷邦族人物邈然伸紙抽毫不嫌颺縷將來續言紀事則仍以俟大雅宏達之君子嚆矢之投不敢以不文自諉也茲擬凡例如後

一余著意續修縣志已歷年所屢次會商迄未得翔實完備之稿又以愧乏三長未敢造次從事茲僅彙集資料以備將來修志者之錄擇

一大事記稿倪君文頌蘇君逸農編輯自兩漢迄民國二十五年中間時代事蹟有未登載者概付缺如茲就原稿稍加增易漏略仍所不免

一山川志初稿倪君文頌陳君棟臣於民國二十三年編輯僅就山脉一條略加更易以

便醒目

一 人物志初稿係鈔錄清史及安徽通志與其他著述之已印行者其不見諸紀載者尙待搜輯

一金石志稿目錄蘇君於民國二十二年編輯原本止列石刻今增入數則

一 藝文志上卷書目提要就蘇君民國二十二年原輯略增數條下卷係金君息侯選錄鄉先達著作必不止此值此世變人民遷徙靡常圖書散佚深以未能廣爲搜輯爲憾一族姓譜牒關於藝文人物節孝諸類頗多可採年來交通阻隔城居者泰半避地遷移雖余里居時曾錄縣署檔案與府志乾隆戊戌前尙有可採而此時均無法調查容俟續刊免貽挂一漏萬之譏

一本邑士紳對於修志調查頗多資料迫於時局無從查取是編僅屬草創性質寬以時

石埭備志彙編

叙例

二

日尙擬繼續進行

一 此次搜集編輯校勘各項文字非一人之力所能集事賴有邑人張君味桑張君厲鋒桂君遂初蘇君劍秋數人協助始得粗具規模謹記簡端以志雅誼

民國二十七年十月邑人陳惟壬

石埭備志彙編卷一

大事記稿

邑人倪文碩編輯
蘇貽綸

太史公作史記於世家紀傳外刪繁撮要列爲十表以概括之所以便瀏覽也我石埭自漢始置縣茲略師其意就史之可考及事之有徵者自漢迄今分年紀事使本縣之政治沿革人文盛衰於以約略可覩埭本巖邑地瘠人稀雖不著於世而傑出之士亦代有其人隋之左難當唐之桂仲武宋之丁黼王鑑明之畢鏘皆見諸記載清之沈衍慶陳燾舉平生事蹟宣付史館立傳陳艾亦列傳於安徽通志此外如桂含章之羽翼經傳周穀之學說楊文會之佛學皆其最著者曾文正公與陳楊諸公相知最深有石埭多君子之語自茲而後願邑人保存其忠正耿直之秉賦發揮其瑰奇浩博之學術以繼往而開來編者此作遺漏外誤在所不免所冀邑之賢達多所匡正俾成信史尤所欣企也

石埭備志彙編

大事記稿

漢

武帝

元封二年

壬申

始析涇縣西境地置縣於陵陽山麓曰陵陽縣即今之石埭也屬丹陽郡封

劉嘉爲陵陽侯

元封年間竇子明號伯玉沛國鉅縣人爲本縣令獲白魚剖之得方書明服食之法遂以石爲竈具采五石脂以益烹煉三年丹成於中元日上昇事見劉向列仙傳

光武

建武三十年

甲寅

丁琳徙封陵陽侯子鴻襲

獻帝

建安三年

戊寅

冬十二月曹操殺呂布以孫策爲討逆將軍封吳侯策自將討祖郎於陵陽

禽之

建安二十一年丙申鄱陽民尤突受曹操印綬陵陽始安涇縣皆與突相應賀齊陸遜討破

突丹陽三縣皆降封周泰爲陵陽侯泰卒子邵襲邵卒弟承襲

三國

吳赤烏中置石埭縣以縣西有三巨石曰頭埭中埭三埭皆橫臥溪中鎖漣溪鴻陵溪管溪

三水不通舟楫故名

晉

武帝

太康二年辛丑本縣屬宣城郡

成帝

石埭備志彙編

大事記稿

二

咸康四年戊戌避杜后諱陵改陵陽爲廣陽

梁

武帝

大同十年甲子以場置石埭縣（按石埭在漢爲陵陽在晉改名廣陽隋始省入涇縣則梁

時廣陽未廢不應更立石埭舊志據南畿志謂本漢陵陽石城涇縣地三國吳置石埭場

梁因置縣隋省入南陵恐有誤）

隋

文帝

開皇九年己酉廢宣城郡置宣州石埭省入涇縣（文頊按舊志作省入南陵秋浦查隋書

地理志宣城郡統縣六又在涇之下註云「平陳省安吳南陽二縣入焉有蓋山陵陽山

「等語而蓋山陵陽山現均屬石埭其稱廣陽爲南陽者當爲煬帝時避諱之改名而隋書仍之則當時應爲省入涇縣矣再查平陳之年爲開皇九年正月共得州三十郡一百縣三百故書其年於此」

煬帝

大業九年癸酉民苦隋政暴虐續溪汪華聞杜伏威竇建德爲亂亦起兵逐宣歙徽嚴婺饒等六州牧而據其地時埭屬宣今縣東三里之華村即紀念華之名者或曰華村即猷州城也

大業十三年丁丑境內盜起人不自保汪華死衆推左難當據涇號總管鎮其地難當與竇建德決勝東草稰放置中流制敵遂號溪曰稰溪復築城兩重於陵陽山前衆以其有功猷號曰猷州

石埭備志彙編

大事記稿

三

唐

高祖

武德初左難當以地歸獻

武德三年庚辰復置安吳南陽二縣置猷州於縣東三里之華村八年廢

武德六年癸未詔授左難當宣城大都督九州刺史宣瀘二司節度使封戴國公食邑三千戶十一月舒州總管張鎮州擊輔公祐將陳當世於猷州之黃沙大破之

武德七年甲申二月輔公祐遣兵猷州刺史左難當嬰城自守安撫使李大亮引兵破公祐壬子行軍副總管權文誕破公祐之黨于猷州拔其枚洞等四鎮

太宗

貞觀十三年己亥三月左難當薨敕葬本鄉松子嶺今改屬太平縣地

貞觀十四年庚子左難當子紹齊加都督襲戴國公孫仲明官都督襲父爵
武后

垂拱三年丁亥宣州申奏左氏祖墓有紫氣

神龍元年乙巳削左氏爵左難當第三子紹本裔居石埭

玄宗

開元初敕州縣鄉置一學擇師教授杉山國清禪師有戒行屢詔入朝不赴因割三鄉稅租
以贍僧衆置倉輸納至今地名貢口溪名貢溪

天寶年間詔訪海內名山福地石埭得列在內故敕於陵陽山建仙壇宮

代宗

永泰二年丙午元和郡縣志載是年洪府都督李勉奏割秋浦青陽涇三縣於吳所置陵陽

石埭備志彙編

大事記稿

四

城置石埭縣（文碩按代宗永泰元年爲乙巳翌年丙午即改元大曆不當有永泰二年
故張士範池州府志作永泰元年）並置池州石埭屬焉

穆宗

長慶中邑人七里桂仲武立平寇功爲福建團練使營管經略或云爲邕州觀察使又爲安

南都護

文宗

太和六年壬子桂仲武薨於閩劉禹錫有文祭之

懿宗

咸通年間沈輅任本縣令遂家於石埭

僖宗

乾符六年^{己亥}黃巢陷宣歙池等州宣池刺史查岳字具瞻守宣池二郡力拒黃巢及涇川敗績闔門義死本縣七都查城里爲岳駐節地諸沈聚族賴以保障曾立忠惠祠祀之至今甲子嶺名卸甲嶺者相傳即岳拒黃巢於此卸甲故名

中和元年^{辛丑}賊王仲隱自秋浦之赤嶺寇祁門赤嶺今隸石埭爲通祁門要道

光啟二年^{丙午}當黃巢作亂時兵據黃村阪邑人桂盛在七里作礮礮路與里人設險禦之女金釵遇賊不屈投井殉節至今猶名金釵井（姚志載和州戴移孝考云礮礮路在七里爲故縣北門晉宋六朝北道在大溪之東車馬交通從秋浦達池州由黃湓至樅陽皆此一衣帶水唐僖宗光啓二年黃巢作亂里人桂盛恐東道易於馳突改道從西憑險可固上峭壁下急湍旅人側足而過）

昭宗

石埭備志彙編

大事記稿

五

大順二年^{辛亥}邑人杜荀鶴登進士

景福元年^{壬子}孫孺屯陵陽楊行密擊走之

景福二年^{癸丑}邑人杜荀鶴登榜眼官至翰林學士知制誥

五代

年代待考西峯祖師童年薙髮南安崇明寺即著靈異後至蓮花峯及杉山隨地卓錫湧泉便民灌溉至今遇旱人民猶奉祖師祈雨（據舊志載八九都赤嶺口之西峯庵係宋朝西峯祖師開建云當在宋初之時）

宋

本縣設知縣及尉各一人餘無考自京朝幕官而出者則稱知縣餘仍稱縣令

太祖

開寶四年^{辛未}宋滅南漢李後主大懼遣弟從善上表于宋請去國號改印文爲江南國主時南唐奄有安徽之淮南及江西福建等地

開寶七年^{甲戌}宋遣曹彬水陸並進取池州以昇州之銅陵青陽並屬之次年十一月金陵城陷南唐李後主肉袒降于軍門先是南唐時升池州爲康化軍轄貴池建德石埭三縣尋復爲池州

太宗

太平興國三年^{戊寅}東流縣原屬江州至是改隸於池州州又隸於江東路

太平興國五年^{庚辰}縣治西三里萬春山建崇壽寺後遷於縣西門改爲祝聖道場南安崇明寺金城山開福寺均賜額

淳化元年^{庚寅}邑人左嘉善(左難當第十六世孫)以鄉貢士辟爲御史

石埭備志彙編

大事記稿

六

淳化五年^{甲午}邑人左竭忠(左難當第十七世孫)薦鄉舉歷任汝南知縣

眞宗

咸平二年^{己亥}邑人左觀國授諫議大夫

仁宗

慶曆初始詔天下州縣皆立學由是歷代相沿不廢

皇祐四年^{壬辰}遷萬春山崇壽寺於西門之迎恩橋爲祝聖道場並賜額焉即今之孔廟址

英宗

治平元年^{甲辰}八九都福慶寺十一二都明覺寺饒益寺均賜額

神宗

年待考邑人華村孫茂恭仕於朝一門同仕者十八人

熙甯八年^{乙卯}大旱八月城內楊家井成井欄上有陳仕會篆文今猶存

哲宗

元祐九年^{甲戌}僧處評在蓮花峯頂開山建海獅庵至致和末年琳宮燿燦設像端嚴

高宗

建炎二年^{戊申}宜興人沃彥以鄉貢進士任本縣令

紹興元年^{辛亥}邑人桂宗振修道於金城洞煉氣服食端坐而化清香滿野

紹興八年^{戊午}邑人王鑑登進士仕至右司員外郎兼直學士院侍講

紹興十七年^{丁卯}邑人王漑（鑑長子）登進士仕至朝奉大夫成都轉運判官 敕賜舒姑

廟額爲顯濟在縣南二十里古澁溪之旁蓋山之下先是前漢蓋山之下有舒氏三女遇

桃從澗出分食之忽坐化其母爲絃歌招魂有朱鯉一雙游泳來迎故名化鯉溪並更澁

石埭備志彙編

大事記稿

七

溪爲舒溪

年待考邑人三都駝山夏賢貴位至大將軍居京師敕於里居迎恩橋建第（即今城內夏家巷）夏氏世居蓋山之下橋梁園館甲於一時即今之夏村

孝宗

淳熙十四年^{丁未}邑人丁黼登進士（文碩考舊縣志以是年爲乙酉茲從辭源之附錄作

丁未）（文碩又考黃宗義著宋元學案列丁黼爲徐誼門人於卷六十一徐陳諸儒學案中謂黼大父執中徐州人南渡後徐爲戰地卜居青陽尋遷石埭父泰亨宿儒也自教之黼氣竦神悟誦言觀行遂爲徐文忠門下第一忠肝義膽霜明玉潔足以廉頑立懦眞端人也等語此爲宋史及縣志所闕略省志稿列傳已據以訂正特補記于此）

寧宗

嘉定七年^{甲戌}邑人貢溪桂大受登進士

嘉定十六年^{癸未}丁黼被召赴行在累官軍器監數上封事言大臣不法事累進累蹶以直秘閣知信州吉州皆有聲真德秀爲江西巡撫薦之詔遷提刑尋充四川夔州路安撫使兼知夔州時崔菊坡方帥四川聞黼至喜贈詩所謂同志晨星少孤雲暮雨多者也黼蒞夔疏上十事夔大治乃以右文殿修撰充廣西副制置使守靜江

理宗

寶慶二年^{丙戌}桂大受授迪功郎後復爲本縣尉（張士範池州府志作寶慶三年）遂遷縣治於七里以四面皆山故不立城郭因掘珠嶺爲東門南山爲南門處嶺爲西門礮礮路爲北門越六年致仕後任復遷縣治于陵陽山之下

端平三年^{丙申}丁黼爲四川制置使兼公部侍郎殉難於成都府（文碩考宋史列傳忠義

石埭備志彙編

大事記稿

八

九及宋元學案均作嘉熙三年與後贈諡立廟年代不符史有誤）

嘉熙元年^{丁酉}詔贈丁黼光祿大夫顯謨閣大學士諡恭愍即鄉邑立廟祀之 桂大受卒

葬蛾眉山即宅下

嘉熙二年^{戊戌}五月丁恭愍公祠落成於山川壇之東賜額曰褒忠其子姪輩一時皆仕於

朝明嘉靖十八年丁理始遷祠于四都故居時祠內附有丁公書院（祠碑記）

開慶元年^{己未}邑人楊綱登進士仕至四川成都府知府

景定五年^{甲子}東流縣進士章文子捨鐘一口於掘珠嶺饒益寺今存

元

縣設官差一員即「達魯花赤」以蒙古人任之號爲監邑主掌印務又縣尹一員漢人任之

號爲司判正官掌縣事又教諭一員餘無考

世祖

至元二年乙丑（即宋度宗咸淳元年）軍兵營寨於海獅議毀寺里人湯致政輸錢三十貫（時每貫值銀一兩四錢二分八厘六）得免（海獅古蹟碑）

至元十四年丁丑改池州爲池州路總管府屬江浙行中書省江南道宣慰司

成宗

大德四年庚子忻都任石埭達魯花赤時承舊制歲輸秋苗二萬八千担解府上下山阪所費不貲忻都請於當道改爲輕濟民便之立宣化碑以頌德

英宗

至治元年辛酉邑人儲礪登進士授贛州倅

順宗

石埭備志彙編

大事記稿

九

至正十一年辛卯十一月趙普勝周驢等據池陽太平諸郡江西省平章政事星吉募兵趨銅陵克之擒周驢遂復池州分兵攻石埭諸縣

至正十二年壬辰縣衙內製錦亭懷仙樓均燬於兵

至正十三年癸巳三月十八日黑氣亙天風雷大作雨物若果核閏月復雨郡中爲甚青陽次之本邑又次之剖其實食之似松仁時陳友諒寇池州郡邑受害之慘其甚與不甚猶雨核之狀咸以爲上天示警之驗

至正十七年丁酉明太祖以池州尙未攻克將石埭權隸宣州

至正十八年戊戌二月李文忠進取青陽石埭太平旌德皆下之四月陳友諒寇池州僉通海尋復池州趙德勝略石埭擒友諒將錢清

至正十九年己亥三月陳友諒遣將寇甯國太平縣明胡維庸等擊敗之復寇青陽石埭張

德勝戰走之

至正二十一年辛丑明太祖平池饒 十月以石埭屬池州改池州路爲池州府（八月改

九華府嗣復稱池州）編戶一十三里維時二都境鼓山東隲凡竹葉皆生白鹽居民每

日拭取食之陵陽山下有泉一竅湧出田中味甚鹹居民煎成鹽至今猶以鹽蕩坵名田

至正二十四年甲辰明太祖稱吳王邑人一都胡慶以百戶從征屢著戰功授江南都指揮

使鎮守石埭縣食邑三千戶保障一方

明初年待考七里地屬漢明太祖遣將劉謙討之邑人桂一季率鄉兵爲先鋒戰死贈衢銳

舍人

明

本縣設知縣縣丞（後裁）主簿（裁革成化十九年知府常顯奏復嘉靖十年仍裁）典史儒

石埭備志彙編

大事記稿

十

學教授各一員訓導二員（正德年汰存一員後復）廩膳增廣生各二十名附學不置額

陰陽學訓科（陰陽生六名）醫學訓科（醫生一名）僧會司僧會道會司道會各一人吏

戶禮兵刑工各司吏一人典吏一人承發司典吏一人儒學司吏一人

太祖

洪武元年戊申陳霖任本縣知縣時學宮因元末經兵燹不存續建之 八月建南京罷行

中書省本府直隸南京省

洪武三年庚戌知縣陳霖創建察院行臺於紫薇坊東

洪武五年壬子知縣尹安整砌街衢疏通溝道建立坊巷民始復業先是城內因兵燹守禦

官盡將街磚揭砌牆垣人民離散自是相繼區畫本城爲大街者二小巷者十五復有沿

溪街市貨客貿易頓盛察院落成續建學宮堂齋門廊復建城隍廟遷顯濟廟於金城山